



www.khiv.ru/pressa

№ 7 (5672)

22-ти февраль, 2021-ти йис

Газет гьяфтаийъ сабан удубчівура

Къямат 3 манатна 68 кепек

# АКУ ХЯД

## Светлая звезда

Хив райондин жямаятдинна сиясатдин газет



### Райондин администрацияйиъ

## Райадминистрацияйин совещаниейин гьякънаан мялумат

15-пи февральиъ райадминистрацияйин конференц-залиъ «Хивский район» МО-йин администрацияйин глава Ярмет Ярметовдин регьберваликди райадминистрацияйин нубатнан совещание гьябхьну. Дидин ляхниъ муниципальный райондин главайин заместителари, райадминистрацияйин отделарин начальниқари, райцентрийин али бязи идарийрин руководителари иштирак гьяпну.

Совещание Ярмет Алиматовичди райадминистрацияйин отделарин, райондин идарийриъ ва тешикатариъ зегьметнан ва чпиз туву табуругьар тамам албан низам дацрабди къулиз адабгьну къуниваликан клуб инди кебгьну.

Хъасин совещаниейин гьулху райондин главайин заместител Агамирзе Гамзабековди 2005-пи йисан 1-пи январиз улихьна яшайишдин хуларин шартар ужу албан учетдиъ дийигънайи дьядин гьяракатарин иштиракчийр вуйи ксарихьан РД-йин зегьметнан ва социальный артимш валин министерствоийин субсидийр гьадагьзу ихтияр айваликан, хъа 2005-йисан 1-пи январиз хъанмина учетдиъ дийигънайи-дарихьан субсидийр РД-йин тикилишчи-валин ва ЖКХ-йин министерствоийин гьадагьзу шлуваликан гьяпну. Дугь гьацари Зилдиккарин, Гашангулан, Ккугьарин гьуларин мектебарин проектно-сметный документацийр дюзмиз апруган дурар газовой сетарик хъилбан техусловийира йишв ин аливаликан, Гьуштларин ва Мажвгларин гьулариз шид зигбан месэлийр къулиз адагьурайи гьялканан китну.

Райондин главайин заместител Мирзабек Багичевди къайд гьялганиси, Махачкалайиъ ирзибил уч алпбаз ва думу тьялукь ишвахьна гьабхбаз тьялукь вуди къули гьубху республиканский суботникдиъ их райондин образованиейин отделин гьуллугьчийр къулиъ ади 10 касди иштирак гьяллуваликан хабар тувну.

Совещаниейин гьулху ЦРБ-йин къупин дукьтин вазифийр вахтназ тамам алпурайир вуйи Агагомед Нурмагомедовди гьамци гьяпну: «Ктабху гьяфтаийи их райондиъ коронавирусдин инфекция кайи хъанара сар кас мялум дукьна. Гьамусаятна коронавирусдин инфек-ция кади ишцурайи 4 кас ва дурарихьди контактиъ айи 11 кас ич учетназ 3. Гьаму улубкнайи гьяфтаийи ишцурайи 3 кас учетдин адагьурача. Пневмония айи 3 кас регистрация дапнача, сар кас амбулаторноди сагь алпури, дукьтин гьозчивалик кка,

ишцурайи 2 кас Сулейман-Стальский райондин ЦРБ-йиъ къаънача. Дурарин гьял ужу терефнахьинди дигиш шула. Накъ COVID-19-дин вакцинайин 100 доза хъубкьначухьна...». Агагомед Нурмагомедовичди агьалири вакцинация албан къайдийрикана китну.

РОО-йин начальник Назарали Тарлановди образовательный учрежденириъ манивалин режим лазим вуйганси уьбхорайиваликан, мектебар бабан чалариз тьялукь вуйи серенжемдихьна гьязур шулайива-ликан, Цийи Захтларин, Гашангулан къялан мектебарий фронтальный ахтармиш валар ккудукуваликан, улубкнайи гьяфтаийи Цийи Захтларин гьуларин мектебдиз лазим вуйи мебель хруваликан хабар тувну. Дугь гьацари «Точка роста» ччвур али проектдин бинайинди Хирчварин, Гьуштларин, Чилихьарин, Гьуштларин гьуларин мектебарий аьлава аьгьовалар тувбан кабинетар гьязур алпурайиваликан ва мектебарий ЕГЭ ва ОГЭ тувба арыйиз дурнайи дигиш валарикан китну.

Финансарин ва налогарин отделин начальник Абдулгамид Беговди январин вазлин маважибдин пулар вари идарийриъ хъадапнайиваликан ва февралин вазлин маважибдин пулар райондиз хъуркнайиваликан гьяпну.

Культурайин, спортдин, жигьларин политикайин ва туризмийн отделин начальник Казбек Казиевди чпин коллектив бабан чаларин йигъандин серенжемдиз, Ватан уьбхурин Йигъандин машквиз ва жара серенжемариз гьязур шулайиваликан хабар тувну.

Гьулан мяшатдин отделин начальник Байрамбек Кучувди гьулан мяшатдин карханйири ктабху йисандин ляхнин отчетар тувнайиваликан, галарий мал-къарайи къюрд кецирмиш алпурайи гьялканан, бязи мяшатарий дул гьадабгьбан кампаня аьхирихьна дурнайиваликан, марчарилан дул гьадабгьбан натихийр бязи мяшатарий аскандар вуйиваликан гьяпну.

Совещаниейин гьацари райадминистрацияйин ляхнарин управлюйий Арсен Рамазанов, экономикайин отделин начальник Гаджибек Рамазанов, «село Хив» гьулан поселениейин администрацияйин глава Фахрудин Рамазанов ва жара юлдшар гьулху. Дурари чпи къули гьахурайи ляхнарикан жькиъ информацияйр тувну.

Совещаниейин гьял гьяпну месэлийрин Ярмет Ярметовра гьулху ва бязи руководителариз дурарин ляхнарихьди аьлакьалу вуйи къатги теклифар ва табуругьар тувну.

Пресс-центр.

### ДАССР-ин 100 йис тамам хъупаз тьялукь вуди

## Райондин сарпи руководитель

Мялум вуйганси, Хив район 1935-пи йисан мартдин вазли тешикл гьяпнийи. Гьадму йисан Хив ВКП(б)-йин райкомдин сарпи секретарди Кюри



окурдин Кьасумрингул ан вуйи Баламирзаев Абдул Муталибович дерккнийи. Думу Бакуйин нафтин бургуарийн рабочийди лихурайи Муталибдин хизандиъ 1905-пи йисан сентябрин 6 вазлин бабан гьяхьнийи.

Абдул Муталибовичди чан зегьметнан рьякъ 1916-пи йисан Кьасумрингулаъ кулакарихь батравал албалан башламиш гьяпнийи.

1920-пи йисан 1924-пи йисазкъан дугьу Куринский окружной ревкомдин ва зегьметкешарин депутатарин Советарин исполкомдин расильный кьору ляхин алпури гьяхьну.

1924-пи йисан Абдул Муталибовичди партияйин Дагьустандин обкомдин багахь ачмиш дапнайи комсомолин ячейкийрин 6 вазлин курсарий гьурхну.

1926-1929-пи йисари дугьу чан аьгьоваларин дережа Касумкент райондиъ комсомолин комитетдин секретарвал гьяпну, 1930-1933-пи йисари Москваийи Сталиндин ччвурнахь хъайи РУТВ-диъ гьурхну, 1933-1934-пи йисари «Дагони» ччвур али стеклозаводдин парткомдин секретарвал, 1934-1935-пи йисари ДАССР-ин «Двигательстрой» карханайин парткомдин секретарин заместителвал гьяпну.

1936-пи йисан августдин вазли Абдул Муталибович ВКП(б)-йин Дагьустандин обкомдин пропагандайин ва агитацияйин отделин инструкторди дерккнийи. Дидхъанмина дугьу жорбежор курсарий урхури, хайлин гьуллугьарин зегьмет зигури гьяхьну.

Чаина табшурмиш гьяпну гьарсаб ляхин дугьу намуслувалиинди, инсанар чакан рази шлуганси тамам алпури гьяхьну. Гьаци вуйивалин дугьаз республикайин руководствойин ва гизаф агьалийрин терефнаан аьхо гьюрмат ва авторитет айи.

Пресс-центр.

## Эскрар-интернационалистарин ийгъаз тьялукь вуди

15-пи февральиъ Хив райондин центральный библиотекаийиъ Россияйин эскрар-интернационалистарин ийгъаз тьялукь вуди «Гергми стол» тешикл гьяпну. Думу столицьна Афганистандин Халкьдин Республикаийи къули гьушу дьядин гьяракатарий чпин интернациональный буржи тамам гьяпну ихь районагьлийр, райондин мектебарий урхурайи баяр-шубар, культурайин маканарин, райцентрийн идарийриъ ва тешикатариъ лихурайи гьуллугьчийр уч дукьнайи.

«Гергми стол» райондин ЦБС-дин директор Зумрия Сеидахмедовайи ачмиш гьяпну ва улхан бадали сифте гаф «Хивский район» МО-йин администрацияйин глава Ярмет Ярметовдиз тувну. Дугьу чан улхариъ Афганистандин Халкьдин Республикаийи 1979-1989-пи йисари къули гьушу дьядин гьяракатарий Советарин Союздин, гьадму гьисабнаан вуди Хив райондин жигьларира улупу гунарарикан, чпин интернациональный буржи намуслувалиинди тамам гьяллуваликан гьяпну ва «афганцирийи» эскрар-интернационалистарин ийгъ мубарак гьяпну.

Му серенжемдин гьулху Хив ва Агьу районарин военный комиссар Пирмагомед Кубачевди, Афганистандин дьядин ветеранарин райсоветдин председатели Темирхан Агабаевди, райондин библиотекайин гьуллугьчи Наила Рамазановайи думу дьядин тарихдикан, советарин агьзаринди жигьлар дьяди улупу игитваларин орденарин, медалариз, хайлиндар Советарин Союздин ва Россияйин Игит кьору ччвурариз лайикьлу гьяхьиваликан, «афганцирийи» гьамусаятна ихь уьлкеийи жорбежор гьуллугьар

(Аьхир 4-пи машина)



## Эскрар-интернационалистарин игъаз тѳлукъ вуди

(Эвел 1-пи машина)

намуслувалиинди тамам апурайиваликан, ахю шулай наслиз ватанпервералин тербия тувба чпин активвал улугурайиваликан гъапну, чпин терефнаан жигълариз хайлин ужудар насигъатар тувну, дюн'яий гъаммишан ислягъвал, мясляаьвал хуб ккун гъапну.

Му улхарин ахъирь мяракаиз уч духънайидари Афганистандин ва жара дѳвирий талаф гъахь ихъ уьлкейин инсанар саб дакъыйкаий ккебехъну



дийгъбинди кѳваина гъаху.

«Герми стол» кѳли гъабурайиган райондин культурайин маканарин гъуллугъчири ва школникари Ватандикан, дѳвдин йисарикан вуйи шьрар гъурху, мяялйир тамам гъапну ва сценкйир улупну.

Серенжемдин ахъирь райбиблиотекаийн гъуллугъчири «Герми столхъна» уч духънайидариз суфра ачмиш гъапну ва «афганцйириз» киматлу пешкеар тувну.

Р.Балабеков.

## ДАССР-ин 100 йис тамам хъупаз тѳлукъ вуди

### «Ромашка» ччвур али багъдиъ

Багарихъди Хиварин гъулаъ айи бицидарин «Ромашка» ччвур али багъдиъ Дагъустандин халкъарин ихтилатарин бинаийинди дюзмиш дапнайи театриализованный тамашйир улупну.

«Ромашка» ччвур али МКДОУ-йин заведиш Бесханум Абукаровайи кѳурайиганси, мицисдар тамашйир бици баяр-шубар мярифатдин рякъ'ан тербияламиш апѳбахъна, дурар зегъметнин юкѳв алидар, уж вал алуз кунидар, ватанперверар вуди ахю апѳбахъна диш дапнайидар ву.

Къайд апѳб лазим вуки, бицидарин му багъдиъ ДАССР-ин 100 йис тамам хъупаз тѳлукъ вуйи жорбежор конкурсарра тешкил дапна.

Пресс-центр.

## Сталинграддин кѳваълан дурубшру вакъиа

Ихъ уьлкейин тарихдиъ кѳваълан дурубшру вакъийир гизаф а. Ватандин Ахю дѳвдин тарихдиъ советарин халкъди, Уьру Армияйи Гитлерин фашистарин зин гъалибвал гъазанмиш гъаплу Сталинграддин женгар, игитвалар, утканвалар улупдар тарихдиъ абхъна.

Му гъизгъин женгар 200 йигъура йишвну-1942-пи йисан 17-пи июлиан 1943-пи йисан 2-пи феврализкъан давам гъахъну. Къюбиб пат'ан женгарь къюб миллиондилан артухъ эскрари, 30 агъзур тулари, 2 агъзурилан гизаф самолетари, гъадму къадарна танкари иштирак гъапну.

Уьлке бадали стратегияйин жигъатнаан ахю метлеб айи центральный районрихъди Кавказра къялан Азияйин коммуникацйирин рякъ'ан аьлака уькжорай Сталинград ва Кавказдин нафтлиинди уьлке тилин апурайи Волга нир немцарин хъий абхънийиш, натижий мусибатдиндар шуйи.

Шагъур душмандин аьхъбан бадали маршал С.Тимошенкодин реѳберваликди Сталинграддин фронт тешкил гъапну. Дидик 62;63;64 ва 21 кѳру армийир, гъавайин 8-пи армия, 1-пи ва 4-пи танкарин армийир кахъну.

Гитлерин командованиейира гъюжмиз гъязур духънайи Паулюсдин армия хъана жара частарининди къуватлу гъапну. Душмандин танкарин къадар ихъдарилан къюб, самолетарин къадар 4 ражари артухъ вуйи. Немцарин 4 кѳру танкарин армияра гъаму патзди

рякъюб тѳаьнийи. Гъацйи вушра, ихъ чъастари дурариз улихъна гъягъру мумкинвал тувндар.

Душманди гъюблан-гъюбаз къушмар мюгъкам ва дурарин къадар артухъ апури гъахъну. Гъацйи вушра, немцарин къушмариз Гитлерин тѳалабар кѳлииз адагъру саб мумкинвалра советарин эскрари гъитундар. С.Паулюсдин армияйин батальондин командир Г.Велицки гъибикънийи: «Гъачнинган немцарин хуб батальон гъюжмиз гъягъру, амма илтикъну къяляхъ гъюрдар. Закур йигъан хъана гъамци шула. Сталинград хъайи терефназди гъягъруайи рякъ талаф духънайи эскрари, дурнайи танкари дибиснайивали, немцари дидиз «йикѳру рякъ» гъапнийи.

1943-пи йисан 10-пи январиз советарин къушмари «Кольцо» ччвур али операция ккебгъру. Фукъан хъюгъбар гъапнушра, немцарин къушмаринхъан Гитлерин тѳалабар кѳлииз адагъру гъахъндар. Сталинград бадали женг Советарин Армияйи Гъалибвал гъазанмиш апѳбинди ккудубкѳну.

Дагъустандин халкъарира Ватандин Ахю дѳвдин женгар гъягъруайи вари фронтариъ дъшмандинди клубанвалинди, дирбаш валинди дѳви гъубху. 1942-пи йисан читин йигъари Ватан душмандин уьбхъан бадали 15 агъзур дагъустанжи чпин хушининди дѳвдиз гъушну. Сталинград бадали женгар

(Ахъур 4-пи машина)

## Интервью

### Гележегдиъра ужуьйи зегъмет зигуру

Райондин центральный библиотекеийн системайин (ЦБС-дин) директор Зумрия Эрзимова Сеидхамедовайи гъахъди гарихъди ич арайи гъахъди гъорюшди райондин библиотекайин ва райондин бицидарин библиотекайин коллективари 2020-пи йисан райондин агъалийриз гъуллугъ апѳбан рякъ'ан кѳли гъуху ляхнаркан жикъди ктѳуб ккун гъапнуза. Исихъ дугъан интервью чап апурача.

«Библиотекейрин гъуллугъчири асас вазифийри агъалийрин арайи жорбежор темйирин порюшар тешкил апѳб, китабар урхъина инсанар жалб апѳб, библиотекейриз гъюрайидар, иллагъки ахю шулай насил, живанар

йидарира иштирак гъапну.

27-пи февраль райондин библиотекайи «Чѳиви классика-2020-пи йис» ччвур алди живанарин арайи эсерар урхъан конкурз кѳли гъушну. Райондин центральный библиотекейи, гъацйи бицидарин библиотекайи сач 8-пи Мартдин, Ахю Гъалибвалин ва жара машквариз, машгъур ксар бабкан гъахъи йигъариз тѳлукъ вуди хайлин серенжемар, китабарин выставкйир, флешмобар тешкил гъапну. Кѳли гъуху вари ляхнаркан ктѳури гъахъиш, гизаф вахт гъабгъору. Гъацйи вушра, мушв'ин хъанара саб серенжемар ктѳубз кундазуз. 16-пи августдиъ «Дѳвдин веледар» ччвур



ва жигълар рюгъан жигъатнаан лигим апѳбан, дурар халис ватанперсар, инсанперверар вуди тербияламиш апѳбан бадали гъар жорейин серенжемар кѳли гъахувал кахъра. Дицисдар серенжемар Хиварин гъулаъ айи къюбиб библиотекейриъра кѳли гъахура. Му гафар гъацйи кѳрудар дархъбан бадали библиотекейрин гъуллугъчири сач кѳли гъуху бѳзи серенжемарикан ктѳуруза.

20-пи январь ДАССР тешкил гъапѳханмина 99 йис тамам хъупаз тѳлукъ вуди райондин библиотекайи Дагъустандин тарихдин дибикънайи китабарин выставка дюзмиш гъапну ва выставкйин иштиракчири улихъ Дагъустандин Автономия тешкил апѳбан доклад гъапнуза. Читальний залин заведиш Раида Аликберовайи мушваъ дюзмиш дапнайи выставкйи айи китабарикан тамашачийриз маракълу сюгъбат гъапну.

Габасаранарин писатель, шаир-фронтвик Ибрагим Шахмарданов бабкан гъахъихъанмина 105 йис тамам хъупан гъорматнаан райбиблиотекаий 28-пи январь вечер кѳли гъушну. Вечерин шаир-фронтвикдин уьмерикан, дугъан яратмиш апѳбарикан гъулху.

Урсарин машгъур писатель, драматург ва духтир Антон Павлович Чехов бабкан гъахъихъанмина 160 йис тамам хъупаз тѳлукъ вуди 29-пи январь бицидарин библиотекайи «Чеховдин яратмиш апѳбар урхураха» темайан акция кѳли гъушну. Му библиотекайин заведиш Ханхалум Рамазановайи акцияйиз уч духънайидариз писателин уьмерикан, дугъу яратмиш гъаплу эсерарикан ктѳуру.

11-пи февраль бицидарин библиотекайи китабар урхурдарихъди «Папрус зигувалан инсанар йикѳура» темайан акция кѳли гъушну.

Центральный библиотекейи 18-пи февраль живанарихъди табасаранарин машгъур шаир, Дагъустандин халкъдин шаир Муталиб Митаров бабкан гъахъихъанмина 100 йис тамам хъупаз тѳлукъ вуди шаирин уьмерикан ва дугъу яратмиш гъаплу эсерарикан сюгъбат кѳли гъушну. Му серенжемди Хиварин гъулан «Солнышко» ччвур али бицидарин багъдиъ айи баяр-шубарира иштирак гъапну.

Бицидарин библиотекайи 21-пи февраль Ватан уьбхурин Иигъаз бахш дапнайи литературно-музыкальнйи вечер кѳли гъушну. Думу вечерь райондин бицидарин яратмиш апѳбарин хулаъ аьгъювалар гъадагъура-

али акция кѳли гъабгъюрайиган райондин библиотекайи Хиварин гъулаъ яшамыш шулай, чан ашар 88 йис тамам духънайи Гольселем Демуровайи хъиди гъорюш кѳли гъушну. Дугъу чан уьмерикан, дѳвдин читин йисарикан, инсанарин алахъу читинваларикан, дарваларикан, фронтдиз гъуларин агъалийри туври гъахъи кюмекаркан, колхоздиз чав ва чан тѳари туври гъахъи кюмекаркан маракълуди сюгъбат гъапну. Мицисдар ва жара серенжемар райондин центральный ва бицидарин библиотекйириъ пландин бинаийинди вахт-вахтна кѳли гъахура.

Къайд апѳб лазим вуки, библиотекейриз гъюрайидарин, китабарикан мянфряът ктабгъурайидарин къадар ахъиримжи вахтари артухъ духъна. Эгер 2018-пи йисан райондин центральный библиотекайи ва бицидарин библиотекайи китабар урхурайидарин къадар вари сабшвлан гъадагъиган 3561 кас вуиш, 2019-пи йисан дурарин къадар 3935 кас гъахъну. Урхурайидарин къадар артухъ хъувализ чан себебарра а, фицки библиотекйири чпи кѳли гъахурайи серенжемарикан хабар инстаграмдиз хътапѳура. Инстаграмдиз учуз 1200 подписчик духъна. Инстаграмдиз чѳийи китабариканна ктѳуруча ва дурар улупурача. Думу рекламайикан мянфряът ктабгъурайидар библиотекйириза гъюра, китабар урхура, живанарин интерес китабарихъна артухъ шула.

Китабарин къадарра библиотекйириъ ахъиримжи вахтари артухъ шула. Къюбиб библиотекйириъ вари сабшвлан гъадагъиган 2019-пи йисан 22433 китаб айи. 2020-пи йисан райондин бюджетдин китабар масу гъадагъган бадали пулин дакъатар жара гъапнуучу ва сач 317 китаб масу гъадагъуна, республикайин Расул Гамзатовдин ччвурнахъ хъайи библиотекйианна китабар пешке гъапнуучу.

Райондин библиотекйири китабар урхурдариз Интернетдин гъуллугъуьрикан мянфряът ктабгъуру мумкинвалла туврача. Му ляхни библиотекйири гъуллугъчири китабар урхурайидариз лазим вуйи кюмекар тувра.

Библиотекйири работникари агъалийриз имбулсан ужуьйи гъуллугъ апѳбан, китабар урхурдарин къадар артухъ апѳбан бадали гележегдиъра ужуьйи зегъмет зигуру».

-Интервью тувбаз чухсагъул, Зумрия Эрзимова.

Р.Балабеков.



## Сталинграддин киваълан дурубшру вакъиа

(Эвел 2-пи машина)

гягъюраи вахтна резервистар, ополченцир, истребительный батальонар, партизанарин дестийр гъязур апбан бадали Дагъустандиь оборонаин рьяк ан ахю ляхин гъубхну.

1941-1942-пи йисарин кюрдну Мягъяч-гъалайинна Буйнакский шагъарин 600 дагъустанлуирикай тешкил дапнайи стрелковой 21-пи девизияйи Сталинграддихъна гъягъюраи кюлин терефарикан сабди шагъур немцарихъан уьохбан бадали женгарий иштирак гъапнийи. Дивизияйин эскрари му женгарий Дагъларин уьлкейиз хас вуйи къягъявалар улупну. Кумторгъалайиан вуйи Мягъямдазгъид Баймурзаевдин 11 эскрикан ибарат отрядди 100 эскрарилан гизаф вий душмандин мотопехотайихъди женгар гъухну. Сад йигъан вахтна барабар дару женнаъ фашистарин 30 эскер терг, 70 офицерарина зийнар гъапну. Дугъан отряд талаф гъабхъну. Гъюкуматди М.Баймурзаевдин игитвал Лениндин, Уьру Хяд орденар тувбиинди лишанлу гъапну. Сталинграддин женгарий 2 агъзурилан зиана эскрари иштирак гъапну. Ватандин Ахю дявдин снайперарин арайиь чемпион Ханпаша Нурадилов вуйи. Гвардияйин сержант Х.Нурадиловди 920 фашист талаф дапну, душмандин пулеметчикарикан 12 йисирди гъидисну. Игит Сталинграддин багарий талиф гъахъну. Мамаевдин тепейиан али къуликк Советарин Союздин Игит Х.Нурадиловдин ччуурра ка.

Сталинграддин женгарий ихъ райондин ватандашарира лайикълуди иштирак гъапну. Гъадарикан вуди Малларажъб Керимович Мукайлов (Фурдагъ гъул) гъахъну. Думу пулеметчик вуйи. Дугъан дирбаш валар «Сталинград уьхбаан», «Севастополь уьхбаан», «Кавказ уьхбаан» медаларинди ва «Ватандин Ахю дявдин II-пи дережайин орден тувбиинди лишанлу гъапну. Дугъу пулеметдиинди саршвнур фашист талаф гъапну. Сталинграддин женгарин иштиракчийр гъахъи Гъяжиягъа Рамазанович Рамазанов (Ляхла гъул), Ханмягъямед Ханмягъямедов, капитан Багир Тагиров (Цнал гъул), ва саб жерге хъана жарадар орденар, медалар тувбиинди лишанлу гъапну.

Ватандин Ахю дявдиь Сталинграддин женгар асул метлеб айидар, гизаф ифийр удуздар, зурба талафвалар гъахъидар, агъю гъалибвалар гъазанимш гъапдар гъахъну.

### ПРОГРАММА ПЕРЕДАЧ ХИВСКОГО ТЕЛЕВИДЕНИЯ

#### ПОНЕДЕЛЬНИК 22.02.2021

18-00 Райновости (6+)  
18-30 Концерт по вашим заявкам. (12+)  
19-00 Время телесериала. (12+)  
19-30 20-30, 21-20 Реклама. (12+)

#### ВТОРНИК 23.02.2021

18-00 Райновости (6+)  
18-30 Концерт по вашим заявкам. (12+)  
19-00 Время телесериала. (12+)  
19-30 20-30, 21-20 Реклама. (12+)

#### СРЕДА 24.02.2021

18-00 Райновости (6+)  
18-30 Концерт по вашим заявкам. (12+)  
19-00 Время телесериала. (12+)  
19-30 20-30, 21-20 Реклама. (12+)

#### ЧЕТВЕРГ 25.02.2021

18-00 "Беседы о религии" (6+)  
18-30 Концерт по вашим заявкам. (12+)  
19-00 Время телесериала. (12+)  
19-30 20-30, 21-20 Реклама. (12+)

#### ПЯТНИЦА 26.02.2021

18-00 Райновости (6+)  
18-30 Концерт по вашим заявкам. (12+)  
19-00 Время телесериала. (12+)  
19-30 20-30, 21-20 Реклама. (12+)

#### СУББОТА 27.02.2021

18-00 Райновости (6+)  
18-30 Концерт по вашим заявкам. (12+)  
19-00 Время телесериала. (12+)  
19-30 20-30, 21-20 Реклама. (12+)

УЧРЕДИТЕЛЬ:  
администрация  
муниципального  
образования «Хивский  
район».  
Ответственный за выпуск  
- Р.К. Балабеков.  
Главный редактор -  
А.С. Алиризаев.

Газета зарегистрирована  
Управлением Федеральной  
службы по надзору в сфере  
связи, информационных техно-  
нологий и массовых коммуни-  
каций по Республике  
Дагестан. Регистрационный  
номер ПИ №ТУ05-00313 от  
12 мая 2015г.

Авторы несут ответствен-  
ность за достоверность  
представленных для публи-  
кации материалов  
Рукописи не рецензируются и  
не возвращаются  
Индекс газеты: 51374  
Тел: 8-909-483-20-27

Газета набрана и сверстана на  
компьютерной базе МБУ «Пресс-  
центр МО «Хивский район» и  
отпечатана в типографии № 3. г.  
Дербента Республики Дагестан,  
ул.С.Курбанова, 25.

Адрес редакции и издателя: 368680,  
Хивский район, сел. Хив, ул. Советская,  
8, МБУ «Пресс-центр МО «Хивский  
район».  
Срок подписания в печать -  
18.02.2021г.-17:00 ч.  
Подписано в печать -  
18.02.2021г.-13:45 ч..  
Тираж 500  
Заказ №

## COVID-19

## ПРАВИЛА ПРОФИПАКТИКИ КОРОНАВИРУСНОЙ ИНФЕКЦИИ

### ЗАЩИТИ СЕБЯ



**Закрывайте рот и нос при чихании и кашле**



**Антисептиками и мылом с водой обрабатывайте руки и поверхности**



**Щеки, рот и нос закрывайте медицинской маской**



**Избегайте людных мест и контактов с больными людьми**



**Только врач может поставить диагноз - вызовите врача, если заболели**



**Используйте индивидуальные средства личной гигиены**

## Погода на неделю

	22 февраля		23 февраля		24 февраля		25 февраля		26 февраля		27 февраля		28 февраля	
	ночь	день	ночь	день	ночь	день	ночь	день	ночь	день	ночь	день	ночь	день
Облачность														
Осадки														
Атмосферное давление, мм.рт.ст.	684	684	683	679	686	685	689	689	687	689	683	684	682	675
Температура воздуха, С	-4	+2	-5	+5	-13	-10	-11	-10	-3	-2	-3	+3	-5	+2
Влажность воздуха, %	81	63	95	39	81	81	85	75	59	63	100	57	69	71
Ветер м/с	3	В	Ю-В	В	Ю-В	В	Ю-В	В	Ю-З	В	3	В	Ю-З	В
	1	3	2	2	1	2	1	2	1	1	1	1	1	1